

百宋樓藏書志

函宋樓藏書志卷四十四

存齋雜纂之六

歸安陸心源剛甫編

子部

醫家類二

巢氏諸病源候總論五十卷

明刊本

隋太醫博士巢元方撰

臣聞人之生也陶六氣之和而過則爲診醫之作也求百病之本而善則能全若乃分三部九候之殊別五聲五色之變揆盈虛于表裏審躁靜於性情達其消息謹其攻療茲所以輔含靈

之命裨有邦之治也國家丕冒萬宇交修庶職  
執技服於官守寃疾存乎政典皇上秉靈圖而  
迪成憲奉母儀而降至化明燭幽隱惠綏動植  
憫斯民之疾苦竚嘉醫之拯濟且念幅員之遼  
逸間巷之窮阨肄業之士罕盡精良傳方之家  
頗承疑舛四種之書或闕七年之習未周以彼  
粗工肆其億度天害生理可不良哉是形慚也  
或懷重慎以爲昔之上手效應參神前五日而  
逆知經三折而取信得非究源之微妙用意之  
詳密乎蓋診候之教肇自軒祖中古已降論著

彌繁思索其精博利于眾迺下明詔疇咨舊聞  
上稽聖經旁摭奇道發延閣之秘蘊敷中尚而  
譬對諸病源候論者隋大業中大醫巢元方等  
奉詔所作也會粹羣說沈研精理形脉之證罔  
不該集明居處愛欲風溼之所感示針鏡橋引  
湯熨之所宜誠術藝之精模而診察之津涉監  
署課試因常用此乃命與難經素問圖鑒方脈  
傳布海內洪惟祖宗之訓務惟存育之惠補農  
經之闕漏班禁方於遐邇逮今搜採益窮元本  
方論之要殫矣師藥之功備矣將使後學優而

柔之視色毫而靡愆應心手而胥驗大哉味百草而救枉者古皇之盛德愛一夫之失所者二帝之用心弭茲札瘥躋之仁壽上聖愛人之旨不其篤歟翰林醫官副使趙拱等叅校既終繕錄以獻爰俾近著爲之題辭願惟空疎莫探祕曠徒以述善誘之深意用勸方來揚勤卹之至仁式昭大庇云爾謹序翰林學士兼侍讀學士玉清昭應宮判官中散大夫尙書左司郎中知制誥史館修撰判館事上護軍常山郡開國侯食邑一千二百戶賜紫金魚袋臣宋綬奉勅撰

孫真八千金方三十卷

宋刊配元明刊本  
舊藏

黃義圖

唐孫思邈撰

自序

黃氏于跋曰嘉慶四年二月十九日至昭明巷老屋遇書友邵鍾琳謂余曰吾兄酉山堂中有元板千金方中配明板者曾送閱乎余曰未也因到彼閱之適主人不在从其火取歸共十四冊內配第六至第十第十六至十九仍缺第二十卷其餘皆宋刻宋印非元板也越日遣人問其價需錢二兩四錢遂如直與之余家舊藏錢

述古抄本云是從宋閣本出者已自侈爲善本  
今得宋刻勘之鮮有一處符合者初不解其故  
後檢通考知晁所見者爲千金方三十卷陳所  
見者爲千金備急要方三十卷本其前類例數  
條林億等新蔡則知抄本卽从宋閣本出已是  
經後人增損原書故與宋刻原本多所不同也  
二本非特文義增減卽葯名分兩法製殊有不  
合前人之方忽經後以意改制可信不可信乎  
矧錢本所據今以補入宋本之明本參攷同出  
一原於明本爛板抄本皆缺文宋閣本所出益

未可信其說矣惟是千金方宋刻昔人無有見  
及者所見止千金備急要方故不得以此爲  
祖本而於林億等纂例以前之本反有不信爾  
余得此本雖殘缺亦自侈爲奇祕矣持示五柳  
主人反以明刻爲勝於舊刻而宋則斷斷乎其  
不信宜西山堂之以無意得之其火云收於店  
門前而仍以無意去之也古書難識于今益信  
云歲在己未清明前五日棘人黃丕烈書于士  
禮居

又曰二月廿六洞庭鈕非石楓橋袁綬堦訪余



予以書出示相約以詩紀事用孫字禁押本事  
時同觀者有西賓夏方米謂余宜用杜老明妃  
詩例遂遵之率成五律四首并不重韻千金偏  
易得宋刻儼然存備急誠爲要重刊未足論混  
淆今世本世行本爲補綴舊時痕晁志真堪據

題應陋振孫

開國榮陽鄭藏書到子孫書中

陽開國世裔鄭氏家藏圖書

幾時晦塵土頃刻抵瑤琨纂例

曾經億賺名却避敵

此書遇敵字作敵避光宗嫌名卅方嗟尙

缺何處覓仙魂

鬼遺方厘半藏弄認錢孫到

子鬼遺方五卷厘本書之半也人視之若全璧焉余所得朱文游藏舊抄本有錢遵王孫慶

增圖 插架分先後鬼遺方去年所得 排籤並弟昆敏求方

書門始以千金要方終以劉涓子鬼遺方 世增收駿價仙感活龍恩

從此思明理都慙少夙根 人命千金貴方書

自古尊所嗟求祕笈不盡出醫門本草心徒愛

金板本草爲衰傷寒眼竟昏朱板麗安時傷寒論爲朱文文游書

單中物書賈以單示余予以醫書置之不知其有宋刻也惜哉殘編同寶要金

寶要卽從千金方摘錄者珍重付兒孫

又曰余旣收得宋刻殘本千金方久藏篋衍未

暇裝潢也及後收得元刻全本知從宋閣本出

而錢述古之舊抄以爲出自宋閣本者據此也

前云此配明本所見未的後又收得明翻元刻  
宋本缺卷尙可爲狗尾之續因合裝之宋自宋  
元自元明白明迹不可掩雖合而仍可分不致  
以僞亂眞也丁丑夏五復翁

案宋本每葉廿八行每行二十五字與日本刊  
本千金方校勘記所引唐本皆合是林億未校  
以前本也元本每葉廿四行每行二十二字題  
曰重刊孫眞人備急千金要方明刊題名行款  
皆與元刊同惟板心有某某類等字

備急千金要方三十卷

東洋漫宋本

唐孫原選注 宋朝奉郎守太常少卿充祕閣校  
理判登聞檢院上護軍賜緋魚袋臣林億等校

正

林億等序

自序

日本尙質序

重刊孫真人備急千金要方三十卷 元刊本

唐孫原選注 宋朝奉郎守太常少卿充祕閣校

理判登聞檢院上護軍賜緋魚袋臣林億等校

正

百字相傳書目 卷四十四  
自序

林億等序

無名氏識曰醫家之書不爲不多獨孫真人千金方決不可闕古賢以千金名之則其珍之也  
明矣脈證方藥鍼灸孔穴瘡毒制度靡所不載  
近得前宋西蜀經進官本不敢私祕重加較正  
一 繡梓與世其之以醫鳴者將見家扁鵲  
人叔和孰不曰衛生之一助云耳

千金翼方三十卷

東洋發元本

**唐孫思邈**

宋朝奉郎守太常少卿充祕閣校

理林億等校正

林億等序

外臺祕要方四十卷

北宋刊印本

高麗南舊藏

唐銀青光祿大夫持節鄴郡諸軍事兼守刺史  
上柱國清源縣開國伯王燾撰宋朝散大夫守  
光卿直祕閣判登聞檢院上護軍臣林億等上  
進

自序

夫外臺者刺史之任也祕要者祕密樞要之謂  
也唐王燾臺閣二十餘年久知弘文館得古今

方上自神農下及唐世無不採摭集成經方四十卷皆諸方祕密樞要也以出守于外故號曰外臺祕要方凡一千一百單四門以巢氏病源諸家論辨各冠其篇首一家之學不爲不詳王氏爲儒者醫道雖未及孫思邈然而採取諸家之方頗得其要者亦崔氏孟詵之流也且古之如張仲景集驗小品方最爲名家今多亡逸雖載諸方中亦不能別自王氏編次各題名號使後之學者皆知所出此其所長也又謂鍼能殺生人不能起死人其法云亾且久故取灸而不

取鍼亦醫家之蔽也此方撰集之時或得缺落  
之書因其闕文義理不完者多矣又自唐歷五  
代傳寫其本訛舛尤甚雖鴻都祕府亦無善本  
國家詔儒臣鈔正醫書臣承命曰其書方證之  
重者刪去以從其簡經書之異者註解以著其  
詳魯魚豕亥煥然明白臣謂三代而下文物之  
盛者必曰西漢止以待醫李柱國較方技亦未  
嘗命儒臣也臣雖濫吹儒學但盡所聞見以修  
正之有所闕疑以待來哲總四十卷并目錄一  
卷恭惟主上盛德承統深仁流化願此方論惠



及區宇贊天地之生育正萬物之性命使歲無  
疵癘人不夫橫熙熙然歌樂於聖造者也前將  
仕郎守殿中丞同較正醫書 臣 孫兆謹上

皇祐三年五月二十六日內降劄子臣寮上言  
臣昨南方州軍連年疾疫瘴癘其尤甚處二州  
有死十餘萬人此雖天令差舛致此扎瘥亦緣  
醫工謬妄就指其疾臣細曾詢問諸州皆闕醫  
書得讀除素問病源外餘皆傳習偽書舛本故  
所學淺俚誣誤病者欲望聖慈特出祕閣所藏  
醫書委官選取要用者較定一本降付杭州開

板模印庶使聖澤及於幽隱民生免於夭橫奉  
聖旨宜令逐路轉運司指揮轄下州府軍監如  
有疾疫瘴厲之處於聖惠方內寫錄合用藥方  
出榜曉示及遍下諸縣許人抄割仍令祕閣簡  
外臺祕要三兩本送國子監見較勘醫書官子  
細較勘聞奏劄付孫兆准此至治平二年二月  
二日准中書劄子較正醫書所狀醫書內有外  
臺祕要一項今訪聞前較正官孫兆較對已成  
所有淨草見在本家欲乞指揮下本家取赴本  
局脩寫進冊所費早得了當候指揮奉聖旨依

所申施行至四年三月 日進呈訖熙寧二年  
五月二日准中書劄子奉聖旨鑄版施行朝奉  
郎守國子博士同校正醫書騎都尉賜緋魚袋  
臣高保衡 朝奉郎守尚書屯田郎中同校正  
醫書騎都尉臣孫奇 朝散大夫守光祿卿直  
祕閣判登聞檢院上護軍臣林億 朝散大夫  
右諫議大夫參知政事護軍長安郡開國侯食  
邑一千一百戶賜紫金魚袋臣王安石 推忠  
佐理功臣正奉大夫行右諫議大夫參知政事  
上柱國南陽郡開國侯食邑一千戶賜紫金魚

袋臣趙抃 推忠協謀同德守正亮節佐理朔  
戴功臣開府儀同三司行尚書左僕射兼門下  
侍郎同中書門下平章事集賢殿大學士上柱  
國魯國公食邑一萬一千一百戶食實封叁阡  
捌伯戶臣曾公亮 推忠協謀同德守正亮節  
佐理功臣開府儀同三司行尚書左僕射兼門  
下侍郎同中書門下平章事昭文館大學士監  
修國史兼譯經潤文使上柱國鄭國公食邑一  
萬一千戶食實封肆阡貳伯戶臣富弼

案此熙寧二年刊本爲是書最初祖本每葉二

十六行每行二十四字神宗以前帝諱嫌名皆  
缺避哲宗以後不避版心有刻工姓名每卷有  
日連屬正文卷末或題右從事郎充兩浙東路  
提舉茶鹽司幹辦公事趙子孟校勘或題右迪  
功郎充兩浙東路提舉茶鹽司幹辦公事張寔  
校勘卷一末有朝奉郎提舉藥局兼太醫令醫  
學博士臣裴宗元校正一行卷中有武林高瑞  
南家藏書畫記朱文長印曹溶之印朱文方印  
蔣氏彥恒子孫保之朱文方印清寧東閣朱文  
方印思濟堂朱文方印京口世家白文方印浙

右項篤壽子長藏書朱文方印案高瑞南名瀛  
字深甫自號瑞南道人明正德時人家有妙賞  
樓藏書甚富曾刻瑞竹堂經驗方者項篤壽嘉  
興人有萬卷堂藏書覆宋本東觀餘論其所刻  
也蔣彥恒鎮江人觀其印文當是明弘正時人  
曹溶字潔躬明臣而仕于 本朝者此書有崇  
正時刊本以宋本校之可補二萬餘字百宋一  
屢所得祇目錄及第廿二卷陽城張古餘有半  
部堯圃爲之神往見賦注此本四十卷完善如  
新不知黃氏見之又當何如耳

新刊銅人鍼灸經七卷

明山西刊本

不增誤人

夫療病簡易之法必須針灸欲明針灸之方者  
必須注意於是經是經也得之秘傳治病則有  
受病之源指穴則有定穴之法効驗神速鍥綉  
梓與眾共之衛生君子請勒之石幸鑒

新編西方子明堂灸經八卷

明刊本

西方子撰

石藥爾雅二卷

舊抄本

唐梅彪集

唐元和中西蜀梅彪撰石藥爾雅醫方以藥石  
並稱爾雅止釋草木石不及焉宜彪取其隱名  
而顯著之也自序言衆石異名象爾雅辭句凡  
六篇勒爲一卷而白雲霽道藏目錄作二卷疑  
後人附益之唐代遺書傳世者罕矣乃抄而入  
諸經部金風亭長彝尊識

任氏手跋曰乾隆己酉夏四月心齋居士任兆  
麟于光祿王丈頤志堂假得校讀一過此頤志  
堂彙鈔首冊也并記

玉函經一卷

舊抄本



唐廣成先生杜光庭撰紫虛真人崔嘉彥註

白序

學經室外集玉函經一卷唐杜光庭撰光庭字  
聖賓括蒼人王建據蜀除諫議大夫進戶部侍  
郎歸老青城山此書銜偶特進檢校太傅太子  
賓客主管徽國公殆建時加授也書中辭簡義  
深黎民壽注亦多發明是書藏書家皆未著錄  
錢曾讀書敏求記載有光庭了證歌一卷又與  
此異惟明人殷仲春醫藏目錄曾載是冊列之  
無上函中此從宋刻影寫

傷寒總病論六卷附音訓一卷修治藥法一卷

宋刊本

家  
漸水龐安時

啟久不爲問思企日深過辱存記遠枉書教具  
聞起居佳勝感慰兼集惠示傷寒論真得古聖  
賢救人之意豈獨爲傳世不朽之資蓋已義貫  
幽明矣謹當爲作題首一篇寄去方苦多事故  
未能便付去人然亦不久作也老倦甚矣秋初  
決當求去未知何日會見臨書惘惘惟萬萬以  
時自愛不宣再拜安常處士閣下五月廿八日  
人生絲脆何者爲可恃如君能著書傳後有幾

念此便當爲作數百字仍欲送杭州開板也知  
之又白

已上除不可作煮散方外凡湯劑言咬咀者如  
咬咀菱藕之滓狀今之麤末是也凡麤末每服  
四錢水一盞半煮八分濾去滓得七分爲準內  
有半夏附子爲毒藥之類每四錢水二盞入生  
薑三片煎七分內有或用朴硝或用阿膠或用  
飴糖或用焰硝或用雞子清皆煎成湯後去滓  
下之內或用竹瀝煎者每四錢水一盞二分煎  
至七分下竹瀝三分煎至七分內或用大黃者

虛人入大黃同煎之如難得通利人每服四錢  
水一盞半煎至一盞別入大黃半錢同煎至七  
分又難得利者以湯浸濃大黃汁三二分同煎  
之以取利爲度政和歲次癸巳門人布衣魏炳

編

龐安常自少時喜鑿方爲人治病處其死生多  
驗名傾淮南諸暨然爲氣任俠鬪雞走狗蹴鞠  
擊毬少年豪縱事無所不爲博奕音技一工所  
難而兼能之家富多後房不出戶而所欲得人  
之以鑿聘之也皆多陳其所好以順適其意其

來也病家如市其疾已也君脫然不受謝而去  
中年乃屏絕戲弄閉門讀書自神農黃帝經方  
扁鵲八十一難經皇甫謐甲乙無不貫穿其簡  
策紛錯黃素朽蠹先師或失其意學術淺薄私  
智穿鑿聞士或竄其文安常悉能辯論發揮每  
用以治病幾乎十全矣然人疾詣門不問貧富  
爲便房曲齋調護寒暑所宜珍膳美蔬時節其  
飢飽之度愛老而慈幼不以人之疾嘗試其方  
如疾痛在己也蓋其輕財如糞土耐事如慈母  
而有常似秦漢間任俠而不害人似戰國四公

子而不爭利所以能動而得意起人之疾不可  
爲數他日過之未嘗有德色也其所總輯傷寒  
論皆其日用書也欲撮其大要論其精妙使士  
大夫稍知之然未嘗游其庭者雖得吾說而不  
解若有意於斯者讀其書自足以攬其精微故  
不著著其行事以爲後序云前序海上人諾爲  
之故虛其右以待元符三年三月豫章黃序  
某氏手跋曰麗學士傷寒方奇書也坡仙賞之  
宜矣伯忠咸淳下缺

案此政和癸巳刊本每葉二十行每行二十字

卷中有袁氏尙之朱文方印玉韻齋圖書印朱  
文長印有竹居白文方印黃丕烈印蕘圃朱文  
二方印士禮居朱文方印尙之袁褫字也朋嘉  
靖時人有竹居沈石田齋名

腳氣治法總要二卷 文淵閣傳抄本

宋董汲撰

自序曰昔孫思邈著書至其敘百病必先中風  
敘中風必先入腳氣豈無意哉蓋以爲風者百  
病之長而卑濕蒸鬱之氣中人也尤重則聖人  
爲治先後之次明示後人後學者愈當致詳且

慎焉然中風方論古人立說尤詳至於四方之  
治食藥之宜無不備悉而腳氣一門雖古今槩  
舉其略而治法論方多有未備故人罕窮究是  
疾至於江淮卑溼之地相去遼遠人或有所不  
識故疾雖重於中風而患頗稀是以古人爲說  
不詳而末學治療亦多致失誤可不痛哉恭自  
本朝開攘最遠一統天下屬以承平日久故食  
物無南北之異道途無久遠之期或因宦遊或  
自客泛故內地感此者近日爲多汲自少小病  
此約十餘年遂博採素問九虛靈樞甲乙太素



巢元千金外臺聖惠小品刪繁金匱玉函諸家  
本草及蘇恭方論前古脈書凡古有是說者無  
不究極而藏府之論鍼艾之法脈證之辨食飲  
之宜四時之要道引之術以至淋燂蒸熨備急  
要方或經試驗者悉錄而集之名曰腳氣治法  
總要分爲一十九門通爲一卷非敢自謂有補  
於將來亦欲傳諸好事者庶幾臨病有所證據  
焉

聖濟經十卷

舊抄本

宋徽宗御製辟雍學生昭武吳禮注

徽宗御製序曰一陰一陽之謂道偏陰偏陽之謂疾不明乎道未有能己人之疾者陰陽相照相益相治四時相待相生相殺五行更王更廢更相人生其間絳于陰陽復于四時制于五行平則爲福有餘則爲禍溢則爲疾惟非數之所能攝而獨立于萬形之上非物之所能制而周行于萬有之內爲能以道御時以神用數形全精復與天爲一昔者黃帝氏蓋體神而明乎道者也問道于廣成見大塊于具茨而自親事于法官之中垂衣裳作書契造甲子定律歷所以

成天下之亶亶者雖若風后力牧常先大鴻奉  
令承教之不懈而不可跂及然且嘆世德之下  
衰憫斯民之散朴上悖日月之明下鑠山川之  
精中墮四時之施至于逐妄耗真曾不終其天  
年而中道以天迺詢岐伯作爲內經通神明之  
德類萬物之情其言與典墳相爲表裏而世莫  
得其傳至號爲醫者流此與謂易爲卜筮者何  
異朕甚悼之自繼述以來兢兢業業夙夜不敢  
康萬機之餘細繹訪問務法上古探天人之時  
原性命之理明營衛之清濁究七八之盛衰辨

逆順鑒盈虛爲書十篇凡四十二章名之曰聖  
濟經使上士聞之意契而道存中士攷之自華  
而據實可以養生可以立命可以躋一世之民  
于仁壽之域用廣黃帝氏之傳豈不美哉嗚呼  
陰淫寒疾陽淫熱疾風淫末疾雨淫腹疾陰陽  
之寇外傷其形有如此者意傷于憂悲而支廢  
魂傷于悲哀而筋攣魄傷于喜樂而皮槁志傷  
于恚怒而不能俛仰情僞之感內傷其真有如  
此者積虧成損積損成衰患固多藏于細微而  
發于人之所忽益止于賦澹而損在于尾閭戒

之慎之疾成而後藥神醫不可爲也若乃推行  
道術輔正而去邪立學建官羣多士而教養廩  
無告拯痲苦而墜其亾沒則布之政令載在有  
司此不復

郡齋讀書志曰御製聖濟經十卷右徽宗皇帝  
所製也政和八年五月十一日詔頒之天下學  
校九月二十四日大司成李邦彥等言乃者從  
侍臣之請令內外學校課試于聖濟經出題臣  
等竊謂令內經道德經既已選博士訓說乞更  
以聖濟經附二經兼講從之

大德重校聖濟總錄二百卷

書抄本

陳仲魚舊藏

宋政和中奉敕撰

臣聞天地以溥生爲大德所以曲成萬物而不遺聖人贊天地之化育故歛時五福以敷錫於庶民夫民之爲物也智者寡愚者眾起居失常食飲無節外爲寒暑燥濕風以賊其形內爲喜怒思憂恐以亂其氣形氣乃傷疾所由作聖人有憂之謂祝由不可以盡已也遂制藥石鍼艾以攻八風六氣之邪爲湯液醕醴以佐四時五行之正防其未然救其已病然後物各遂其生

民不夭其命矣又謂非立憲言不可以福萬世也於是上法天道下因地宜究陰陽之本明生死之出考於古而驗之今取之已而施之入心爲成書著之玉版藏之金匱宣之於布政之堂秘之於靈蘭之室以俟來哲以施無窮其爲仁民愛物之心斯可謂極矣然其言至簡其論至要其理至深後世學者雖有上智非研精覈慮者則亦未易究其奧也故曠代之中能以斯術鳴世者時固有之若夫神聖工巧獨得先世不傳之秘如和緩越人亦不過十餘人而已況去

聖已遠支分派別析而爲眾科業而爲專門所  
以人各拘其偏而莫肯究其全則益不逮於古  
矣積習成常流弊滋甚懼大道將墜於漚微故  
聖濟總錄由是而作焉上下凡二百餘卷始終  
幾二百萬言逐病分門門各有方據經立論論  
皆有統蓋將使讀之者觀論以求病因方以命  
藥則世無不識之病病無妄投之藥唯法有逆  
從治有先後在乎智者擇其所當從其所宜而  
已究而言之寔醫經之會要學者之指南生民  
之司命也惜其始成於政和重刊於大定旣綿



歷百年之久不能無三豕之說今主上神極御  
天修飾制度治具畢張以謂是書所載雖先聖  
之緒餘其所以康濟斯民亦致治之一助也迺  
詔江瀚行省刊于有司布之天下其或繆戾隨  
加釐正復降德音俾下臣爲之序臣誠愚陋竊  
不自量仰惟聖德如天甄陶萬類爰自卽位以  
來於今七年恩浹飛沉仁及草木然猶夙夜孜  
孜廣求民瘼或一物不得其所則必爲之惻然  
臣謂此書復出則上可以輔相天地之宜下可  
以永底生民之生物無疵癘咸躋於仁壽之域

矣大德四年二月一日集賢學士嘉議大夫典  
瑞少監臣焦養直謹序

方技之書尚之久矣聖人治世亦所不能後者  
也若夫黃帝內經神農本草秦越人之八十一  
難張仲景之三百九十七法王叔和之脉訣朱  
奉議之活人固在所勿論自餘千萬方論歷世  
所傳誠不爲不多然得其全者或寡矣故近代  
諸書獨不若聖濟總錄之詳且備也聖主以至  
仁爲心勤卹民隱所以首命板行於天下非惟  
重下民今日之命蓋將有開於先而覺於後也

書曰贊贊襄哉夫是書之行也雖本於上意之所注其所以始而終之者亦近臣有以贊襄之也故凡與斯議者并附於左

醫愈郎諸路醫學副提舉臣申甫醫効郎御藥院副使臣王希逸承直郎太醫院判官臣和思誠奉訓大夫太醫院判官臣隋有朝列大夫太醫院副使臣王佐集賢直學士朝列大夫太醫院副使臣歐陽懋孫中順大夫太醫院使臣韓公麟少中大夫同提點太醫院事臣汪斌嘉議大夫提點太醫院事臣麻維孫正議大夫同簽

樞密院事左衛親軍都指揮使提點太醫院事  
臣李邦寧昭文館大學士正太中大夫提點太  
醫院事臣鄭忙古仄榮祿大夫平章政事大都  
護提點太醫院事臣脫因納

江浙等處行中書省大德三年九月內欽奉聖  
旨刊造大德重校聖濟總錄至大德四年二月  
內畢工今具在局提調官於後正議大夫杭州  
路總管兼管內勸農事臣梁曾中順大夫江南  
浙西道肅政廉訪副使臣商晦嘉議大夫江南  
浙西道肅政廉訪使臣田滋中奉大夫前江南

浙西道肅政廉訪使臣徐珍嘉議大夫簽江浙  
等處行中書省事臣奪兒只哥正奉大夫江浙  
等處行中書省參知政事臣安祚

宋徽宗御製序曰生者天地之大德疾者有生  
之大患方術者治疾之大法昔者神農氏黃帝  
氏獨觀太初旁燭妙有味百藥以辨物審百疾  
以全生其制名其取類其正君臣其立佐使其  
見於太素玉冊之書雷公岐伯之問蓋皆開神  
明之蘊窮陰陽之變原性命之理而與天地同  
其覆載中古已還鑊之玉版藏之金匱功利及

草木惠澤被牛馬所以遺天下後世甚厚歷年  
既久流弊滋甚糟粕俱在而精意不傳內經有  
病名而莫之究有治法而莫之習極其妙至於  
通仙而莫之悟人之生也其位參於天地其靈  
貴於萬物形不盈仞而心侔造化崑崙尺宅修  
之可以長生寸田神闕閉之可以反照天關神  
虛息之可以召和去土符書金格煉丹卻粒御  
氣凌虛不假於物而裕然自足嗟夫達士可以  
神解昧者且不能養其形而況於了其心乎內  
之五藏六腑外之九竅四關著之於色發之於

聲寓之於三部九候一失其平則疾疢隨至神  
聖治於未兆工巧救其已然非天下之至精孰  
能探天下之至隨非天下之至精孰能祐天下  
之至神朕憫大道之鬱滯流俗之積習斯民之  
沉痾庸醫之妄作學非精博識非悟解五行之  
數六氣之化莫索其隱莫擬其遠曰寒曰熱曰  
寒熱之相搏差之毫釐失之千里而有餘者益  
之不足者損之率意用藥草石雜進天枉者半  
可勝歎哉萬機之餘著書四十二章發明內經  
之妙曰聖濟經其意精微其旨邁遠其所言在

理所以探天下之至蹟又詔天下以方術來上  
并御府所藏頒之爲補遺一卷治法一卷卷凡  
二百方幾二萬以病分門門各有論而叙統附  
焉首之以風疾之變動終之以神仙之服餌詳  
至於俞穴經絡祝由符禁無不悉備名之曰政  
和聖濟總錄其所載在事所以祐天下之至神  
蓋聖人之賦世本在於上末在於下無見於上  
則治之 不立無見於下則治之具不行經之  
所言者道也醫得之而窮神總錄之載者具也  
醫用之而已疾漢張仲景作傷寒論而雜之以



方唐孫思邈作千金方而繼之以翼以謂不如  
是則世莫能用其術然之二人者游於方術之  
內者也彼超然獨見於方術之外下顧岐伯之  
流而與之議始可謂知道朕作總錄於以急世  
用而救民疾亦斯道之筌諦云耳天下後世宜  
致思於忘筌諦而自得者俯仰之間嘖笑之度  
御五行之數運六氣之化以相天地以育萬物  
至於及營魂而起當生者豈細事哉蓋將有來  
者焉

案 四庫所收程林纂要二十六卷乾隆中有

重刻二百卷本並非全書後人妄爲補綴此題  
元抄本尙是明人舊抄爲陳仲魚孝廉舊藏有  
仲魚小像圖記得此書費辛苦後之人其監我  
白文長方印

大德重校聖濟總錄二百卷

東洋活字本

宋正和中奉勅撰

御製序

焦養直序

大德四年

脫因納序

刊版銜名



館宋樓藏書志卷四十五

存齋雜纂之六

歸安陸心源剛甫編

子部

醫家類三

經史證類大觀本草三十一卷

元大德刊本

**宋**唐慎微集

昔人有云天地間物無非天地間用信哉其言也觀本草所載自玉石草木蟲魚果蔬以至殘衣破革飛塵聚垢皆有可用以愈疾者而神農舊經止於三卷藥數百種而已梁陶隱居因而

倍之唐蘇恭李勣之徒又從而廣焉其書爲稍  
備逮及本朝開寶嘉祐之間嘗詔儒臣論撰收  
拾采摭至於前人之所棄於夫有名而未用已  
用而未載者悉取而著于篇其藥之增多遂至  
千有餘種庶乎無遺也而世之醫師方家下至  
田父 猶時有 方異品效見奇捷而前  
書不 不知者 蓋非一故謹微因

之所逮博采而備載之於本草圖經之外又  
得藥數百種益以諸家方書於夫經子傳記佛  
書道藏凡該明乎物品功用者各附於本藥之

左其爲書三十有一卷目錄一卷六十餘萬言  
名曰經史證類備急本草察其爲力亦勤矣而  
其書不傳世罕言焉集賢孫公得其本而善之  
邦計之暇命官校正募工鑄板以廣其傳蓋仁  
者之用心也夫病水必能殺人藥之殺人多矣  
而世之醫者不復究知根性之溫涼功用之緩  
急妄意增減用以治病不幸而危殆者時益有  
之茲何異操矛而刺人於衽席之上哉儻能研  
思於此因書以究其說卽圖以驗其眞審方以  
求其効則不待乎七十毒而後知藥三折臂而

後知醫矣然則是書之傳其利於世也顧不博哉謹徵姓唐不知爲何許人傳其書者失其邑里族氏故不及載云大觀二年十月朔通仕郎行杭州仁和縣尉管勾學事艾晟序

嘉祐三年十月校正醫書所奏竊見唐顯慶中詔修本草當時修定注釋本經外又取諸般藥品繪畫圖別撰圖經辨別諸藥最爲詳備後來失傳罕有完本欲望下應係產藥去處令識別人子細詳認根莖苗葉花寔形色大小并蟲魚鳥獸玉石等堪入藥用者逐件畫圖并一一

開說著花結寔收採時月及所用功效其蕃夷所產卽令詢問權塲市舶商客亦依此供折以憑照證畫成本草圖并別撰圖經與今本草經並行使人用藥知所依據詔旨宜令諸路轉運司指揮轄下州府軍監差逐處通判職官專切管勾依應供申校正醫書所至六年五月又奏本草圖經係太常博士集賢校理蘇頌分定編撰將欲了當奉勅差知潁州所有圖經文字欲令本官一面編撰了當詔可其年十月編撰成書送本局修寫至七年十二月一日進呈奉聖



目錄板施行

案此元刊元印本序後有大德壬寅孟春宗文  
書院刊行木印每葉二十行行二十字小黑口  
衍義別行明刊以衍義散入各條下與元本小  
有異同

重修政和經史證類備用本草三十卷

明覆金刊本

中衛大夫康州防禦使句當龍德宮總轄修  
建明堂所醫藥提舉入內醫官編類聖濟經提  
舉大醫學臣曹孝忠奉敕撰

自古人俞穴鍼石之法不大傳而後世亦鮮有

得其妙者遂專用湯液丸粒理疾至於剝腸剖  
臆刮骨續筋之神奇以爲別術所得終非神農  
家事維聖哲審證以制方因方而見藥故方家  
言盛行而神農之經不可一朝而舍也其書大  
抵源於神農氏自神農氏而下名本草者固非  
一家又有所謂唐本蜀本者迄於有宋政和間  
天子留意生人乃命宏儒名醫銓定諸家之說  
爲之圖繪使人驗其草木根莖花實之微與夫  
玉石金土蟲魚飛走之狀以辨其藥之真贗而  
易知爲之類例使人別其物產風氣之殊宜君

臣佐使之異用其辛鹹苦酸之異味溫涼寒熱  
緩急有毒無毒之不同而易見其書始大備而  
加察焉行於中州者舊有解人龐氏本兵烟蕩  
析之餘所存無幾故人罕得恣窺今平陽張君  
魏卿惜其寢遂湮墜乃命工刻梓寔因龐氏本  
仍附以寇氏衍義比之舊本益備而加察焉書  
成過余屬爲序引余謂人之所甚重者生也衛  
生之資所甚急者藥也藥之考訂使無以乙亂  
丙誤用妄投之失者神農家書也開卷之際指  
掌斯見政如止水鑑形洪鐘荅響顧安所逃遜

其形聲哉養老慈幼之家固當家置一本况業  
醫者之流乎然其論著自梁陶隱居唐宋以來  
諸人備矣余言其贅乎世固有無用之學無益  
之書余特嘉張君愛物之周用心之勤能爲是  
大有益之書以暨羣生以圖永久非若世之市  
兒販夫僥倖目前規規然專以利爲也故喜聞  
而樂道之君諱存惠字魏卿歲己酉孟秋望日  
貽溪麻革信之序

成周六典列醫師於天官聚毒藥以其醫事蓋  
雖治道緒餘仁民愛物之意寓焉聖人有不能

後也國朝闡神農書康濟斯民嘉祐中命儒臣  
圖經補注訓義剖治亦已詳矣而重熙累洽文  
物滋盛士之聞見益廣視前世書猶可緝熙而  
廣績者蜀人唐慎微近以醫術稱因本草舊經  
衍以證類醫方之外旁摭經史至僊經道書下  
逮百家之說兼收並錄其義明其理博覽之者  
可以洞達臣因侍燕閒親奉玉音以謂此書是  
可垂濟迺詔節使臣楊戩總工刊寫繼又命臣  
校正而潤色之臣仰惟睿聖當天慈仁在宥謨  
振三墳躋民壽域肇設學校俾革俗弊復詔天

下進以奇方善術將爲聖濟經以幸天下萬世  
臣以匪才叨列是職兢臨淵谷而證類本草誠  
治病之總括又得以釐而正之榮幸深矣謹

奉明詔欽帥 聯朝夕講究刪繁緝紊務底厥

理諸有援引誤謬則斷以經傳字畫鄙俚則正  
以字說餘或訛戾散互繕錄之不當者又復隨  
筆刊正無慮數千遂完然爲成書凡六十餘萬  
言請日以政和新修經史證類備用本草云政  
和六年九月一日中衛大夫康州防禦使勾當

龍德宮總轄修建明堂所醫藥提舉入內醫官

編類聖濟經提舉大醫學臣曹孝忠謹序

此書世行久矣諸家因革不同今取證類本尤善者爲窠模增以寇氏衍義別本中方論多者悉爲補入又有本經別錄先附分條之類其數舊多差互今亦考正凡藥有異名者取其俗稱注之目錄各條下俾讀者易識如蚤休云紫河車假蘇云荆芥之類是也圖象失真者據所嘗見皆更寫之如竹分淡苦莖三種食鹽著古今二法之類是也字畫誤謬殊關利害如升斗疽疸上下千十未末之類無慮千數或證以別本

質以諸書悉爲釐正疑者缺之敬俟來哲仍廣  
其卷行以便綴緝庶歷久不壞其間致力極意  
諸所營制難以具載不敢一毫苟簡與舊本頗  
異故口之曰重修天下名賢士夫以舊鑒新自  
知矣泰和甲子下己酉冬日南至晦明軒謹記  
嘉祐二年八月三日詔朝廷累頒方書委諸郡  
收掌以備軍民醫疾訪問貧下之家難於檢用  
亦不能修合未副矜存之意今除在京已係逐  
年散藥外其三京并諸路自今每年京府節鎮  
及益并慶滑四州各賜錢二百貫餘州軍監賜



錢一百貫委長史選差官屬監勒醫人體度時  
令按方合藥候有軍民請令盡時給付所有神  
農本草靈樞太素甲乙經素問之類及廣濟千  
金外臺祕要等方仍差太常少卿直集賢掌禹  
錫職方員外郎祕閣校理林億殿中丞祕閣校  
理張洞殿中丞館閣校勘蘇頌同其校正聞奏  
臣禹錫等尋奏置局刊校并乞差醫官三兩人  
同共詳定其年十月差醫學秦宗右朱有章赴  
局祇應三年十月臣禹錫臣億臣頌臣洞又奏  
本草舊本經注中載述藥性功狀甚多疎略不

備處已將諸家本草及書史中應係該說藥品  
功狀者採拾補注漸有次第及見唐顯慶中詔  
修本草當時修定注釋本經外又取諸般藥品  
繪畫成圖及別撰圖經等辨別諸藥最爲詳備  
後來失傳罕有完本欲下諸路州縣應係產藥  
去處並令識別人子細辨認根莖苗葉花寔形  
色大小并蟲魚鳥獸玉石等堪入藥用者逐件  
畫圖並一一開說著花結寔收採時月所用功  
効其番夷所產藥卽令詢問權場市舶商客亦  
依此供析并取逐味各一二兩或一二枚封角

因入京人差齋送當所投納以憑照證畫成本  
草圖并別撰圖經所冀於今本草經並行使後  
人用藥知所依據奏可至四年九月又准勅差  
太子中舍陳檢同校正五年八月補注本草成  
書先上之十一月十五日准勅差光祿寺丞高  
保衡同其覆校至六年十二月繕寫成版樣依  
舊并目錄二十一卷仍賜名曰嘉祐補注神農  
本草嘉祐五年八月十二日進

嘉祐三年奏勅

證類本草校勘官政和六年七月二十九日奉

勅校勘

同校勘官太醫學內舍生編類聖濟經所點對  
方書官臣龔璧 同校勘官登仕郎編類聖濟  
經所點對方書官臣丁阜 同校勘官登仕郎  
編類聖濟經所點對方書官臣許璠 同校勘  
官登仕郎編類聖濟經所點對方書官臣杜潤  
夫 同校勘官翰林醫候入內內宿編類聖濟  
經所點對方書官臣朱永弼 同校勘官翰林  
醫官編類聖濟經所點對方書官臣謝口 同  
校勘官奉議郎太醫學博士編類聖濟經所校

閱官臣劉植 校勘官中衛大夫康州防禦使  
勾當龍德宮總轄修建明堂所醫藥提舉入內  
醫官編類聖濟經提舉太醫學臣曹孝忠

大德丙午歲仲冬望日平水許宅印

宇文虛中書後曰余讀沈明遠寓簡稱范文正  
公微時慷慨語其友曰吾讀書學道要爲宰輔  
得時行道可以活天下之命時不我與則當讀  
黃帝書深究醫家奧旨是亦可以活人也未嘗  
不三復其言而大共有濟世志又讀蘇眉山題  
東皋子傳後云人之至樂莫若身無病而心無

憂我則無是二者然人之有是者接於予前則予安得全其樂乎故所至常畜善藥有求者則與之而尤喜釀酒以飲客或曰子無病而多齎藥不飲而多釀酒勞已以爲人何哉子笑曰病者得藥吾爲之體輕飲者得酒吾爲之酣適豈專以自爲也亦未嘗不三復其言而仁其用心嗟乎古之大人君子之量何其弘也蓋士之生世惟當以濟人利物爲事達則有達而濟人利物之事所謂執朝廷大政進賢退邪興利除害以澤天下是也窮則有窮而濟人利物之事所

謂居閭里間傳道授學急難救疾化一鄉一邑是也要爲有補於世有益於民者庶幾乎兼善之義願豈以未得志也未得位也遽泛然忘斯世而棄斯民哉若夫醫者爲切身一大事且有及物之功語曰人而無恆不可以作醫又曰子之所慎齊戰疾康子饋藥子曰丘未達不敢嘗論之是術也在吾道中雖名爲方伎非聖人賢者所專然捨而不學則於仁義忠孝有所缺蓋許世子止不先嘗藥春秋書以殺君故曰爲人子者不可不知醫懼其忽於親之疾

也况乎此身受氣於天地受形於父母自幼及老將以率其本然之性充其固有之心如或遇時行道使萬物皆得其所指六合於太和中以畢其爲人之事而一旦有疾情不知所以療之伏枕呻吟付之庸醫手而生死一聽焉亦未可以言智也故自神農黃帝雷公岐伯以來名卿才大夫徃徃究心於醫若漢之洎于意張仲景晉之葛洪殷浩齊之褚澄梁之陶弘景皆焉唐陸贄斥忠州纂集方書而蘇沈二公方至今傳世是吾儕以從正講學餘隙而於此乎



不爲無用也余幼多病數與醫者語

故於醫家書頗獵在淮陽時嘗節本草

一帙辨藥性大綱以爲是書地間玉石草

木禽獸蟲魚萬物性味在儒者不可不知又

食服餌禁忌尤不亦窮理之一事也後

居大梁得閑閱趙公家素問善本其有公標

注黃緣一讀深有所得亂以來舊學蕪廢二

書亦失去嘗謂他日安居講學論著當留意

攝生今歲游平水會郡人張存惠魏卿介吾友

弋唐佐來言其家重刊證類本草已出及增

入宋人寇 義完焉新書求爲序引因爲

書其後己酉中秋日云

唐慎微字審元成都華陽人貌癯陋舉措語言  
樸訥而中極明敏其治病百不失一一語證候  
不過數言再問之輒怒不應其餘人不以貴賤  
有所召必往寒暑雨雪不避也其爲士人療病  
不取一錢但以名方祕錄爲請以此士人尤喜  
之每於經史諸書中得一藥名一方論必錄以  
告遂集爲此書尙書左丞蒲公傳正欲以執政  
恩例奏與一官拒而不受其二子五十一五十

四偶忘及婿張宗說字岩老皆傳其藝爲成都

名醫元祐間虛中爲兒童時先人感風毒之病

審元療之如神又手緘一書約曰某年月日卽

啟封至期當恙復作取所封開視之則所錄三

方第一療風毒再作第二療風毒上攻氣促欲

作喘嗽如其言以次第餌之半月良愈其神妙

若此皇統三年九月望成都宇文虛中書

本草衍義二十卷

元刊本

通直郎添差充收買藥材所辨驗藥材冠宗

夷編撰

書錄解題曰本草衍義十卷通直郎寇宗奭撰  
接引辨証頗可觀采

案此元宗文書院刊本與証類本草同刊每葉  
二十四行每行二十一字小字雙行小黑口文  
獻通考二十卷與此本合書錄解題脫二字耳  
史載之方二卷 北宋刊本

**宋史堪堪**

載之治病用藥初不求異炮炙製度自依本法  
以銖計者蓋其審證精切不過三四服立瘳踰  
是而不效乃察病按方之不審便當改轍不可

泥也此皆親試而得之非敢夸大其說六銖爲  
分四分爲兩

下缺

黃氏手跋曰向聞白堤錢聽默云北宋時有名  
醫因治蔡京腸祕之症只用紫苑一味其病遂  
愈醫者由是知名其人蓋史載之也後余友顧  
千里游杭州遇石冢嚴久能于湖上出各種古  
書相質歸爲余言中有史載之方二卷真北宋  
精槩余心向往之矣客歲錢唐何夢華從嚴氏  
買得今夏轉歸于余予檢其方果有大府祕一  
門用紫苑者始信錢丈之言爲不謬特未知用

而見效之說出何書耳至于版刻之爲北宋確  
然可信字畫斬方神氣蕭穆在宋槧中不多觀  
其避諱若昇字尤他刻所罕千里豔稱于前夢  
華作合于後余此書可云奇遇余喜讀未見書  
若此書各家書目所未收惟宋史新編有云史  
戰之方二卷戰者以載字形近而譌無可疑者  
余重其書之祕出白金三十兩易得重加裝潢  
遇上方切去原紙處悉以宋帑補之尾葉原填  
闕字亦以宋紙易去命工仍錄其文想前人必  
非無知妄作者也上下卷通計一百單七翻合

蘇東坡詩集卷四十五  
裝潢費核之幾幾乎白金三星一葉矣余之惜  
書而不惜錢其真佞宋耶誠不失爲書魔云爾  
嘉慶丙寅立冬後一日蕘翁黃丕烈識于百宋  
一廬

又曰余喜蓄古籍苟宋元舊刻雖方伎必收焉  
每得醫書古本訪求藏書家口證之辨折同異  
頃因收得白沙許學士述傷寒百證歌傷寒發  
微論二書檢及直齋書錄解題有云指南方二  
卷蜀人史堪載之撰凡三十一門各有論未識  
卽此方否然茲方爲二卷雖不名爲指南卷數

卻合載之向不知其何郡人今解題云蜀人而  
證諸宋稗類抄取耳朱師古眉州人乃趨郡謁  
史載之則其所居之郡可知向不知其何名今  
解題云史堪則載之乃以字行者也聊著之以  
見讀書有得乃爾觸類旁通其樂又何如耶已  
巳四月小滿前二日復翁又識

案史堪字載之蜀人書錄解題所謂指南方二  
卷當卽此書每頁十八行每行十七字徽宗以  
前諱皆缺避丸不改圓不避欽宗嫌名其爲徽  
宗時刊本無疑前有嚴修能朱文方印元烙私



印朱文方印芳椒堂印白文方印士禮居藏白  
文方印嚴元照德清人字久能芳椒堂其藏書  
之室也此本已刻入十萬卷樓叢書

小兒衛生總微論方二十卷

明刊本

**不習撰人考氏**

余先君有小兒衛生總微論方二十卷家藏甚  
久今六十餘載矣不知作者謂誰博加搜訪未  
嘗聞此書之流播也自嬰孩初育以至成童所  
謂保衛其生總括精微視古今方書極爲詳  
仁哉著書者之心也宗族親舊問幼稚有疾每

口傳指授効如影響又取其可以通用於大人者增揚劑而用之尤爲神異豈此書不言之妙有待於余而發耶烏可掩爲一家之寶而不與人共之於是集二三同志訂正其謄寫之舛錯于行在太醫局以廣其傳得此者敬而用之當知余言不謬未免畫蛇添足之訛不暇顧矣吁齊魯大臣史失其名恨不得詳其人也嘉定丙午立春日和安大夫特差判太醫局何大任序朱臣序 弘治己酉

李延壽跋

又

重校證活人書十八卷 宋刊宋印本

**宋本跋**

按直齋書錄解題著錄十八卷與

此本合郡齋讀書志及進表皆云二十卷未知何故

僕乙未秋以罪去國明年就領宮祠以歸過方城見同年范內翰云活人書詳矣比百問十倍然證與方分爲兩卷倉卒難檢耳及至濰陽又見王先生云活人書京師成都湖南福建兩湖凡五處印行惜其不冒校勘錯誤頗多遂取籍本重爲參詳以一百餘處及并證與方爲一卷

因命工于杭州大隱坊鑄板作中字印行庶幾  
緩急易以檢閱然方術之士能以此本游諸聚  
落悉爲改證使人讀誦廣說流布不爲俗醫妄  
投藥餌其爲功德獲福無量政和八年季夏朔  
朝奉郎提點洞霄宮朱肱重校

進活人書表曰臣聞鍾山非矯幽人躡屣於深  
林衡岳雖遙志士獻書於北闕蓋行藏之有數  
非狂狷所能知中謝伏念臣出自葭屋之微嘗  
奉大廷之對昔爲冗吏今作閑人乃因三餘著  
成百問上稽伊尹湯液之論下述長沙經略之

文詮次無差搜羅殆盡從微至著益不可加巨  
古及今實未曾有載在簡冊圖之丹青思欲膠  
口而不傳大懼利己而無益恐先朝露虛棄寸  
陰學古入官既無裨於國論博施濟眾庶或廣  
於仁風伏惟皇帝陛下經緯之文出自天縱紀  
綱之治成于日躋疆宇開拓於版圖弦歌洋溢  
乎天下棲神內景屬意生民收拾人材凡片善  
寸長皆有所用勤卹民隱雖沉痾垂老各安其  
居玉燭亘天以流離朱草填廷而委積湛恩滂  
沛溫詔丁寧致茲正圓一介之愚亦効涓埃萬

分之助蔽明大道敷奏彌文楊雄所懷以旣章  
蔡澤沒齒而無憾重惟道途修阻巾笈護持未  
免客嘲焉令鬼泣顧因果之有在茲俯仰而不  
慙儻合宸衷自馨輿議特羈縻於丹竈徒景仰  
乎公車謹遣男遺直賁臣所撰書一函八策共  
二十卷躬詣檢院投進以聞委有觀采伏乞宣  
付國子監印造頒行如臣學植淺陋違戾於經  
卽乞委官參詳然後布之天下以禍羣生臣無  
任干天冒聖激切屏營之至政和元年正月一  
日奉議郎致仕臣朱肱謹上

謝表

謝啟

郡齋讀書志曰南陽活人書二十卷右皇朝朱  
肱撰序謂張長沙傷寒論其言奧雅非精于經  
絡不能曉會頃因投閒設其對問補苴綴輯僅  
成卷軸作于己巳成于戊子計九萬一千三百  
六十六字

直齋書錄解題曰南陽活人書十八卷朝奉郎  
直祕閣吳興朱肱翼中撰以張仲景傷寒方論  
各以類聚爲之問答本號無求子傷寒百問方

有武夷張燕作序易此名仲景南陽人而活人者本華陀語也肱祕丞臨之子中書舍人服之弟亦登進士科

案此南宋刊本每頁二十行每行十九字版心有刻工姓名每卷有目錄屬篇目有兼牧藏書記白文方印百宋一厘祇有殘本三卷此本惟首卷影抄補餘完善眞罕觀之祕笈也

雞峯普濟方二十四卷

宋刊宋印本

天籟閣舊藏

**宋孫兆撰**馮翊賈兼重校定

案此南宋閩中刊本字體與三山蔡氏所刻陸



狀元通鑑等書同每葉二十二行每行二十二  
字小黑口每卷有貴我齋朱文圓印墨林山人  
白文方印項子京家藏朱文長印天籟閣朱文  
長印懋李項氏家寶玩朱文長印項元汴朱文  
方印項墨林祕笈之印朱文方印宮保世家白  
文方印文石朱象立氏白文長印華齋朱氏白  
文長印崑山徐氏家藏朱文長印乾學之印健  
菴白文二方印餘詳儀願堂集

新刊素問入式運氣論奧三卷附黃帝素問遺編一

卷元刊本

宋物編評述

新編張仲景註解傷寒百證歌五卷新編張仲景註  
解傷寒發微論二卷 元刊本

**宋**翰林學士許叔微知可述

黃氏手跋曰余于去冬收得許學士普濟本事  
方宋刻殘本僅六卷然出大價蓋以其書之希  
有也吾友某爲余言許學士尙有傷寒書舊刻  
本在小讀書堆心甚豔之春二月下旬有書船  
友不識姓名者二人持元刻傷寒百證歌傷寒  
發微論二書又有別種醫書二本求售于余彼

因稔知余之出大價得前書故以此來一時議  
價未妥僅得別種之一本許書卻還之一月以  
來時復思之不置適書友亦非余不能售故重  
復攜來豈書之戀余耶抑余之戀書也出番餅  
十七元得此以別種副之仍取其希有耳是二  
書載讀書敏求記茲遵玉圖記宛然裝演如舊  
其爲述古物無疑後歸吾郡惠氏非但松崖先  
生有鈴印而余收得百歲堂書目有松崖注語  
可證物之授受源流悉悉相合豈不可寶惟足  
錢惠兩家書目于發微論皆云三卷此卻上下

二卷未知何以岐異惜小讀書堆主人作古數  
年偶有欲假之書思而不得未能一證卷之多  
寡爲憾聞五硯樓曾借錄其副而壽階又往揚  
州不克急假觀之以析疑意是所耿耿余檢直  
齋書錄解題僅有傷寒歌三卷許叔微撰凡百  
篇皆本仲景法又有治法八十一篇及仲景脉  
法三十六圖翼傷寒論二卷辨類五卷皆未見  
茲以目見者證之傷寒歌三卷與傷寒百證歌  
五卷其同耶其不同耶何分卷之異耶傷寒發  
微論二卷與翼傷寒論二卷其不同耶其同耶

何分卷之符耶皆莫可詳矣古書日就湮沒尚  
賴弈世藏書家表章其名留傳其種俾後人有  
所據依我輩好古書而方伎家言亦在收錄若  
世之庸醫且有問之而不知其名者又安能與  
之賞奇析疑也閑窗展玩藉此破宋剪燭書此  
覺一切塵撻暫爲拋卻樂何如之時己巳初夏  
將屆小滿大風揚沙晴雨忽變麥秀之寒甚于  
常歲并記復翁

越歲丁丑重裝分四冊又記

案書錄解題有傷寒歌百篇又云傷寒論二卷

未見所謂百篇卽百証歌也傷寒論二卷者卽發微論也每葉十六行每行十七字小字雙行普濟本事方殘本六卷

宋刊宋印本 陳白陽舊藏

宋儀真許叔微知可述

自序曰醫之道大矣可以養生可以全身可以盡年可以利天下與來世是非淺識者所能爲也苟精此道者通神明奪造化擅回生起死之功則精神之運必有默相於冥冥之中者豈可謂之藝與技術爲等耶竊疑上古之時如岐伯輔皇帝伊尹相商王皆有方書以瘳民瘼殆及

後世周有和緩秦有扁鵲漢有倉公魏有華佗  
宋有徐文伯唐有孫思邈又皆神奇出人意料  
背望踴躍代不乏人自茲以往其妙不傳間有  
能者僅可一二數何古人精巧如是而今人之  
不逮也予嘗思之古人以此救人故天畀其道  
使普惠含靈後人以此射利故天奪其術而不  
輕畀子無足疑者余年十一連遭家禍父以時  
疫母以氣中百日之間併失怙恃痛念里無良  
醫束手待盡及長成人刻意方書誓欲以救物  
爲心杳冥之中似有所警年運而往今逼桑榆

漫集已試之方及所得新意錄以傳遠題爲普濟本事方孟啟有本事詩楊元素有本事曲皆有當時事寔庶幾觀者見其曲折也余旣以救物爲心予而不求其報則是方也烏得不與眾共之

衡山文璧觀

穎川陳澹借觀

明正德戊辰重裝于僊春堂仲夏十日葛懌記黃氏手跋曰戊辰季冬校時刻本一過誠如余所云藥名分兩多有差池也惟此六卷中時刻



多方幾許未知何所據而增添抑別有舊本彼  
雲間王某序以爲抄本相傳亥豕良多用是取  
坊賈抄本於家藏善本校訂釐正鏤版以廣其  
傳是未可據矣此宋刻六卷真本豈不可寶耶  
己巳立春後一日復翁

又曰初書坊某云書船有殘宋本普濟本事方  
余屬其取閱久之以書來屬存三冊序全目失  
六卷後已遭剗改也六卷尙完好第一卷首多  
治藥制度摠例擬購之無如索直六十金旣而  
持物主之札索還并云中人須酬十金余未及

還價而罷仲冬以來爲亡兒營葬爲長女遣嫁  
兼之度歲辦糧所入不償所出自朝至夕雖身  
逸而心勞幾幾乎坐卧不甯矣然可以解憂者  
惟書余自甲寅後連丁大故天災人事困我身  
心若論處境不知生人之樂而好書一事從未  
住手謂聊樂我員者此也昨書船之友自來攜  
各書不無愜意者因詢前書云尙在某坊問其  
直元易爲洋矣今日遂與議易給以番餅二十  
枚以他書貼之合四十兩青蚨百忙之中出見  
銀一斤置此殘帙旁人視之得無笑其癡邪余

曰此養生藥 幾廢寢食余又不知瀟魚之

何以固結若是書 細點葉數序二葉月

錄存九葉治藥制度摠例四葉卷一十九

二十四葉卷三二十六葉卷四二十四葉卷

五十九葉卷六十七葉共計一百四十四番以

葉論價合每葉青蚨一百九十五文近日書直

昂貴間有無錫浦姓書賈卽浦二田之後持殘

宋本孟東野集索直每葉元銀二兩故余戲以

葉論價此書猶賤之至者也此書亦卽出浦姓

手書有錫山浦氏珍藏印又有浦氏蕢菽賞鑒

印當亦二田家藏者二田故多宋本書後人不  
知盡皆散失余向年曾得楊倞注荀子錢佃本  
二程遺書俱由浦姓賤售于某坊某坊以之歸  
余者此書浦姓賤售于某家某家又售于書船  
樓此厚直幸余次第得之俾宋刊勿致失墜此  
余區區之苦心雖無錢而必勉強致之者職是  
故耳至于宋刊之可寶序及治藥制度摠例時  
刻所無其餘卷中錯誤不可枚舉莫謂方書雜  
伎無足重輕倘藥品缺少分兩差池致病罔効  
猶諸經典誤處足以妨事所係豈淺鮮哉書船

友姓邵名寶塘云其書得諸江陰卽浦姓賤售者并記復翁

跋新得普濟本事方後尚有餘意詩以盡之性

嗜奇書及古方飄零殘帙亦收藏當時事寔觀

能得詩曲由來起孟楊

孟歐有本事詩楊元素有本事曲並詳序文中

十存其六卷猶全制度先教治藥先板係宋雕

何處認真珠丸已諱爲圓

宋刊方書都諱諱爲丸作圓此書開卷真

珠圓是

祕笈沈淪孰與求人亡人得理周流墨

林清玩叢殘甚萬卷堂中卷尾留

書經應李項藥師藏六卷

尾有萬卷堂藏書記

是在項氏已失四卷重裝手澤記仙春逆數前

朝歲戊辰三百年來五甲子一書閱過幾家人  
正德戊辰至嘉慶戊辰甲子五  
周矣書之授受不知其幾家  
嘉慶戊辰季冬  
九日復翁識于百宋一廬

案每頁十六行每行十六字板心有字數及刻  
工姓名餘詳儀顧堂集

商宋樓藏書志

卷四十五

美

陌宋樓藏書志卷四十六

存齋雜纂之六

歸安陸心源剛甫編

子部

醫家類四

增廣太平惠民和劑局方十卷

元刊本

**契人無攷**

昔神農嘗百草之味以救萬民之疾周官設疾醫之政以掌萬民之病著在簡編爲萬世法我宋勃興神聖相授咸以至仁厚德涵養生類且謂札瘥薦臻四時代有救恤之術莫先方書故



自開寶以來蚤敕近臣書校本草厥後纂次神醫普救刊行太平聖惠重定鍼艾俞穴校正千金外臺又作慶厯善救簡要濟眾等方以惠天下或範金揭石或鏤板聯編是雖神農之用心成周之致治無以過也天錫神考睿聖承統其好生之德不特見於方論而已又設太醫局熟藥所於京師其恤民瘼可謂勤矣主上天縱深仁孝述前列爰自崇甯增置藥局揭以和劑惠民之名俾夫修製給賣各有攸司又設收買藥材所以革偽濫之弊比詔會府咸置藥局所以

推廣祖考之德澤可謂曲盡然自創局以來所  
有之方或取於醫藥之家或得於陳獻之士未  
經參訂不無舛訛雖嘗鏤板頒行未免傳疑承  
誤故有藥味脫漏銖兩過差製作多不依經祖  
襲間有偽妄至於貼榜謬戾尤多殆不可以一  
二舉也頃因條具上達朝廷繼而被命遴選通  
醫俾之刊正於是請書監之祕文採名賢之別  
錄公私眾本搜獵靡遺事闕所從無不研核或  
端本以正末或泝流以尋源訂其訛謬析其淆  
亂遺佚者補之重複者削之未閱歲而書成繕

寫甫畢謹獻於朝將見合和者得十全之效飲  
餌者無纖芥之疑頒此成書惠及區宇遂使熙  
豐惠民之美意崇觀述事之洪規本末巨細無  
不畢陳納斯民於壽康召和氣於穹壤億萬斯  
年傳之無極豈不韙歟

將仕郎措置藥局檢閱方書陳承奉議郎守太  
醫令兼措置藥局檢閱方書裴宗元朝奉郎守  
尚書庫部郎中提轄措置藥局陳師文謹上

按目後有建安丙午年高氏日新堂刊行一行  
此書元有兩刊一爲建安宗文書堂鄭新澤刊

一爲高氏日新堂刊此則高氏刊本也每葉二十八行每行二十二字大黑口舊爲荻溪章紫伯明經所藏後歸于余

傳信適用方二卷 文淵閣傳抄本

宋吳彥夔撰

衛濟寶書二卷 文淵閣傳抄本

東軒居士撰

董璉序

自序

產寶諸方一卷 文淵閣傳抄本

不省類公名氏

王卿月序

無名氏序

洪氏集驗方五卷

影寫宋刊本

宋洪遵撰

右集驗方五卷皆予平生用之有著驗或雖未及用而傳聞之審者刻之姑孰與眾共之乾道庚寅十二月二十日番陽洪遵書

類證增注傷寒百問歌四卷

影元抄本

宋建甯府通守錢聞禮撰

雜病有治法傷寒無定方蓋以其傳變於俄頃  
非他疾比也精是技者曠千載惟張長沙一人  
孫真人著千金探頤鉤微亦特於仲景法推廣  
之耳宋宣和間朱朝奉肱進活人書及歸中途  
猶有餘論以是見盡美盡善爲難也雖然業醫  
者心誠求之亦思過半矣神聖工巧則存乎其  
人湯氏錢公又作解惑論百問歌彙析條分使  
用藥者如執兵捕寇明指其巢穴掃清之數君  
子之用心仁矣蓋朱公乃長沙太守之忠臣錢  
倅又朱朝奉之忠臣也繁人之生六氣不齊而

七情汨之苟失其養則疾生焉世之醫者以數  
君子之心爲心善用其書使含靈不至天枉同  
躋壽域其仁豈不博哉市肆刊書節略舛訛藥  
方又關繫最重者曹君仲立目擊斯敝取而精  
刻之惟恐是書誤人之披閱也迹其存心又數  
君子之忠臣矣可不謂賢乎仲立冀人隨其伯  
父遊宦江南撫其弟而教之不翅猶已子以慰  
其伯父地下之靈此尤人之所難能蓋薰陶唐  
氏之遺風其所漸深矣不賢而能如是乎予故  
樂書之且以敦薄俗元至大己酉臘月圓日武

夷詹清子子敬序

解惑論之作非務新奇而沽世譽也一本於仲景之正經且仲景之書昔人以金匱名之其貴重如此無求子謂孫思邈未能詳仲景之用心夫如是豈庸人粗工能窺其髣髴哉愚因三餘將傷寒或兩證相近而用藥不同者或汗下失度而辨證不明者冷厥熱厥之異宜陽毒陰毒之異候其間錯綜互見未易槩舉輒修舉而別白之庶幾洞曉亦足以見解惑之深意焉乾道癸未中秋日龍溪隱士楊尹才謹序



漢張仲景著治傷寒一書極爲詳備議論精審處方至當後之醫家據是說以治療萬不失一華陀謂此書可以活人信不謬矣噫今之世所庸醫不究古聖賢所論陰陽虛實治狀不明脈理不識病證以意測度妄投湯劑殺人者多余得此論一儒者潛心醫術自仲景以下集諸家之善表而出之名曰解惑論俾醫者不失於謬誤病者不至於橫夭其傷寒治法之要妙又盡善矣余惜是書世所未見故鈔本用廣其傳此論豈止解惑乃治傷寒之指南也淳熙壬寅

孟夏望日韓玉書

張氏金吾曰案至元嘉禾志紹興三十年梁克家榜有錢問禮未知卽著是書者否前一卷爲傷寒解惑論宋龍溪隱士湯尹才撰是書宋史藝文志文淵閣書目俱著錄分九十三類每類括以七言歌訣以便記誦注亦頗爲詳核

醫說十卷 明刊本

宋張果

伏讀張君季明醫說無非濟人救物之事而將之以至誠三世授受相傳一脉是可嘉尙也已

余來新安恨識之晚將虛心而訪以求衛生之  
經云嘉定甲申春三月中浣星江彭方書

醫者意也果可以紙上索乎雖曰不知書而曰  
我知意余不信也知書矣而未之廣猶不書也  
張君季明示余醫書一編載古今事跡至纖悉  
蓋其生平目覩耳聽凡涉於醫者必錄錄必其  
以類今老矣搜訪尙不輟將成一家之書以傳  
于世張世以醫名世者季明川心之勤如此其  
能世其世可知也季明有子字九萬隸鄴郡庠  
性敏而能文使以季明勤於醫之心而勤於學

其能爲張氏大門戶亦可知也噫季明之用心如此其必有子以大門戶又可知也是則季明之末編報應之說嘉定甲申首夏末海携李李以制書

右張季明醫說季明儒生也集是說以傳于世人多笑其流于伎不知真儒生之用心也使世之醫者皆以季明之心爲心雖庸醫足以爲良醫苟以驅僮之心處之雖良醫且庸矣沉本庸耶近世士夫所以每嘆所在無良醫人之疾病不得盡其理而死者甚眾然豈真無良醫耶不

仁之心壞之也季明之伯祖子充以醫術受知於忠宣范公名滿京洛察脉語證妙出意表略無毫髮隱情諸公待之如神人蓋已能儒其心矣季明父祖能世其業季明又能力學以求古人之用心則凡可以廣人之聞見使其知所趨避以自免於疾與夫參稽已驗之效有疾而自能處其疾不爲庸醫所誤是季明之仁術也則是說之集安可以伎而笑之耶況季明之於醫自有得其伯祖之秘傳以是心而行是伎季明眞儒醫之良者也便其得科第而登仕籍其仁

民之心又當如何耶此予所以喜之而與題其  
後云開烹丁卯七夕建安江曉跋

余曩以千金方問一二奇證扣諸醫莫能識疑  
蓄既久因念華佗不世出將終無所質究及分  
教新安始得張君季明所謂醫說者而閱之於  
是前者之疑渙然釋豁然悟而且嘆曰是說其  
有濟於世也博矣按其伯祖子充生於皇朝元  
符間嘗從蜀王朴學太素能知人貴賤禍福受  
其衣領秘藏素書甚詳後以此治人不可勝計  
季明其傳也毋柰近世醫道之壞謬悠無恥之

徒崇飭疑誤援據臆說欺世盜名至附以隱僻  
奇怪使人不易通曉季明疾之因博采傳記攷  
古援今遠追昔人素書之遺近質當世謾聞之  
妄推見至真開悟後學記次殆千餘條或繇夢  
感或與神遇積眾口已効之傳而病證方論若  
合符契略無一事抵牾其視餘子之淺近迂誕  
者不可同年而語矣昔楊子雲憫百氏之爭鳴  
獨推五經以爲知說郭然則季明之書其亦說  
郭之謂歟若夫用志之勤推心之厚增衍陰陽  
以昌大厥嗣是又無可疑者故書此以遺之寶

慶丁亥十二月望日東陽徐杲書

馮彬序

嘉靖甲辰

顧定芳序

嘉靖甲辰

太醫局程文九卷

舊抄本

**不晉編**

產育寶慶方二卷

文淵閣傳抄本

宋李師聖郭稽中編

劉四垣序

王晉序

趙瑩序



寓齋老人序

頤齋老人序

莫致君序

李師聖序

濟生方八卷 文淵閣傳抄本

宋嚴用和撰

自序

醫經正本書一卷 影抄宋刊本 汪喜孫舊藏

**宋** 文林郎知隆興府進賢縣主管勸農營田公  
事沙隨程迥撰

自序

陳言跋

案書錄解題醫經正本書一卷知進賢縣沙隨  
程迥可久撰專論傷寒無傳染以救薄俗骨肉  
相棄之敝

衛生家實產科備要六卷

影寫宋刊本

**宋朱端章跋**

長樂朱端章以所藏諸家產科經驗方編成八  
卷刻版南康郡齋洎熙甲辰歲十二月初十日  
案目後有翰林醫學差南康軍駐泊張永校勘

瞿氏手跋曰此淳熙十一年長樂朱氏取諸家  
產科方合刻成書中轅懸字俱缺筆又丸皆作  
圓避欽宗嫌名也其所載產育寶慶集方陳直  
齋謂李師聖有說無方醫學教授郭稽中爲時  
良醫以方附諸論遂爲完書今攷師聖自序知  
郭與李同時是書實成於師聖也當歸一味散  
注引王子亨指迷論子亨名昉直齋書目載之  
今已失傳桃仁承氣湯謂龐安常用之驗安常  
名安時今有傷寒總病論行世產育方藥專書  
唐志載咎殷產寶一卷今惟寶慶集方尚存永

樂大典中然已佚去借地法矣猶賴此書傳之  
所采虞流備產濟用方諸論尤爲切要安得好  
事重爲刊布俾得家置一編則活人之報當不  
小矣嘉慶辛酉夏黃君堯圃自都門購歸出以  
相賞因識數語以爲奇書欣賀中泐

案朱端章福建長樂人書成于清熙中 四庫  
未收此從宋本影寫每頁十八行每行十五字  
新刊仁齋直指附遺方論二十六卷 明刊本

**宋**三山名醫仁齋楊士瀛登父編撰新安後學  
惠齋朱宗正宗儒附遺

余始撰活人總括嬰兒指要俗皆以沽名訊及  
脉書一行於是斂肅而相告曰誠不易也誰肯  
傾困竭廩以徇人哉余曰不亦知有天乎天將  
寓其濟人利物之心故資我以心通意曉之學  
既得於天還以事之是蓋造物初心之所期也  
或者隙光自耀藏諸已而不溥諸人政恐玉毀  
積中草木俱腐矣雖然人有四百 病或出於  
三冊之外者可不原證擇方揭爲直指之捷徑  
乎明白易曉之謂直發蹤以示之謂指剖前哲  
未言之蘊摘諸家已效之方濟以家傳參之肘

後使讀者心目瞭然對病識證因證得藥猶繩墨誠陳之不可欺庶幾仁意周流賡賡相續非深願歟余嘗慨而作曰天之予人以是物必使有以用是物有是物而不能用非惟拂天抑亦自棄其天者也併書此爲同志勉景定甲子良月朔三山楊士瀛登父序

余鈺序

嘉靖庚戌

新刊仁齋直指方論醫脈真經二卷

明刊本

三山名醫仁齋楊士瀛登父撰次新安後學

惠齋朱崇正宗儒附遺

脉訣一書世之宗叔和者尙矣其間一一重複  
或有所未論焉余於暇日采摭前古以叔和爲  
經以百家爲緯講明指要條析件畫目曰醫家  
眞經經者理也發先哲未言之蘊而揆之理經  
者正也約諸子異同之說而歸之正譎視活法  
瞭然在目求之有餘師茲亦叔和俟來者之意  
也劉元賓自序脉括有曰覽之者不知以我與  
叔和爲如何余則曰不知是篇與元賓之書又  
如何景定壬戌七月旣望登父序

儀顧堂集有跋

新刊仁齋直指小兒方論四卷 明刊本

**宋**三山名醫仁齋楊士瀛登父編

儀顧堂集有跋

新刊傷寒類書活人總括七卷 明刊本

**宋**三山名醫仁齋楊士瀛登父編按新安後學

惠齋朱崇正宗儒附遺

救急仙方八卷 影寫道藏本

**不省撰次名氏**

案 四庫所收從永樂大典抄出此則原本也

新刊續添是齋百一選方二十卷 東洋覆朱本



宋山陰王璆孟玉撰

方書傳於世眾矣其斷斷能已疾者蓋寡古人  
方書一藥對一病非苟云爾也後世醫家者流  
不深明夫百藥和劑之所宜猥曰醫特意爾往  
往出已見嘗試爲之以故用輒不効甚者適以  
益其疾而殺其軀者有之毋恠乎饋藥者以未  
達而不敢嘗有病者以不治爲得中醫也嗟乎  
醫方所以除疾疾而保性命其何至是得匪其  
擇之不精處之不審故歟是齋王使君璆博雅  
君子也生長名家蓄良方甚富皆其耳目所聞

見已試而必驗者每嘆人有可療之疾藥不相  
值卒於不可療思濟斯人詎忍秘而不示屬守  
古沔公餘哀集始就迺錄諸郡齋目之百一選  
方其精擇審處蓋如此然則公之用心仁矣是  
書之衍其傳也宜哉慶元丙辰孟冬初吉郡文  
學天台章楫序

此集已盛行于世近得是齋全本其爲方也一  
千有餘分門析類列之於目井井可觀皆係經  
驗不傳之秘凡丈夫婦人小兒諸証纖悉委曲  
靡所不備鼎新刻梓三復校正並無訛舛凡我

尊生君子伏幸詳鑒歲在癸未端陽前一日建  
安劉承父謹咨

書錄解題曰是齋百一選方三十卷山陰王璆  
孟玉撰百一者言其選之精也

案王璆山陰人凡分三十一門每門各有子目  
四庫所未收也

幼幼新書四十卷

明刊本

**宋劉昉撰**

李庚序曰醫家方論其傳尙矣自有書契以來  
雖三墳之言世不得見而神農本草黃帝內經

乃與宓犧氏之八卦綿歷今古爛然如日星昭  
垂信乎藥石不可闕於人而醫書尤不可廢於  
天下或者乃謂醫特意耳不庸著書唐史臣以  
此劇口稱道於許嗣宗殊不知張仲景孫思邈  
輩率千百年而得一人使其方劑之書不傳則  
醫之道或幾於熄矣是或一偏之論也湖南帥  
潮陽劉公鎮拊之暇尤善方書每患小兒疾苦  
不惟世無良醫且無全書孩抱中物不幸而殞  
於庸人之手者其可勝計因取古聖賢方論與  
夫近世間人家傳下至醫工技工之禁方閭巷

小夫已試之秘訣無不曲意尋訪兼收並錄命  
幹辦公事王厯羲道主其事鄉貢進士王湜子  
是編其書雖其間取方或失之詳立論或失之  
俗要之皆因仍舊文不敢輒加竄定越一年而  
書始成惜乎公未及見而疾不起公臨終願謂  
庚曰幼幼新書未有序引彙來欲自爲之今不  
皇及矣子其爲我成之庚曰謹聞命嗚呼學士  
大夫公天下以爲心者幾何人哉平日處念積  
慮無非急已而緩人先親而後疎物我異觀私  
爲町畦其來益非一日昔吾夫子助祭於蜡出

游魯觀之上喟然發嘆以爲大道之行天下以爲公故人不獨親其親不獨子其子大道旣隱天下爲家各親其親各子其子夫子之嘆蓋嘆魯也然而天下後世豈止一魯而已哉滔滔者皆是也東漢人物如第五倫者惻惻無譁質直好養似若可然也意其設心必有大過人者至於或人問之以有私乎倫則曰吾兄之子嘗病一夜十往退而安寢吾子有疾雖不省視終夕不寢自以謂不能無私夫以兄之子尚若爾況他人之子乎以第五倫尚若爾況下倫一等者

乎宜乎夫子之嘆之也今公之爲是書使天下  
之爲父兄者舉無子弟之戚少有所養老有所  
終家藏此書交相授受慶源無窮其爲利顧不  
博哉以此知公之存心非特無愧於今之人抑  
亦無愧於古之人矣紹興二十年九月旣望謹  
序

議者曰經藉吾道之筌蹄方論醫道之筌蹄然  
則然矣使經藉不存學者無所析衷安知夫道  
之淵源使方論不著醫者無所夷攷安知夫醫  
之精粗世有盧扁華佗則處劑意解妙通於神

何假方論哉奈何虛扁華佗不世有求其不迂  
不泥不矜不誣者蓋鮮士大夫與其委聽於庸  
醫之手曷若因方論求古人用心以之衛生濟  
世耶方論之於世猶五穀之於日用乎孰謂士  
君子恥言之揭陽劉公帥荆湘嘗命編集古今  
醫書中小兒方劑之說爲一書總四十卷曰曰  
幼幼新書旣成三十八卷而疾不起潛使四明  
樓公寔繼其政乃曰前之美不可不成肆命亟  
迄其事因合後二卷爲一復纂歷代所述求子  
方論爲一卷冠其篇首閱月而書成噫可謂盡



矣才孺竊嘗聞夫子之言曰父母生之續莫大焉嗣續之道人倫之首詩三百十一篇聖人所取嬾人樂有子芣苢美之于孫眾多螽斯美之居然生子生民美之迺生君子斯干美之讀書至此使人三致意焉求子之論古人所以著於方書者與今公會萃諸家之說寘諸方論之前使成書梳布家藏人有真得夫子與詩人之意者也抑嘗謂昔宋莒公因暴雨至水浸蟻穴公折竹爲橋以過羣蟻他日有僧謂公曰公丰神頓異如能活數千百萬命者夫折竹爲橋平時

戲事螻蟻微生何補於世而陰爲功惠如此矧  
是書之傳利及天下後世則公之蒞祿榮延取  
必於天端可執右契也紹興上章敦 歲十一  
月哉生明右廸功郎新差江陵府司戶參軍石  
才孺謹序

庚午秋仲潭帥劉方明以疾不起僕攝帥事問  
諸府人公治潭久凡所興立不爲苟且計得無  
有肇端旣閱偶未就者於是以匆匆新書來告  
索而觀之則古今醫家之書若方與論爲嬰孺  
設者無不畢取包并總統類聚而條分之如適

通關百貨俱在如開藏室羣玉燦然隨所宜用  
必厭其求噫昔好事人得一名方櫝藏謹守雖  
父子誓以不傳方明於此顧能窮探博取萃爲  
成書鋟板流通與世共寶則其用心亦仁矣哉  
因命趣工以成其美又集舊傳宜子諸方列繫  
於左爲第一通云十一月六日右朝散大夫荆  
南路轉運判官權潭州軍州事樓璿謹跋

王問後序

王世貞序

劉鳳序

張應文序 萬曆十四年

陳履端序 萬曆十四年

書錄解題曰匆匆新書五十卷直龍圖閣知漳  
州劉昉方明撰集刊未畢而死徐璠壽卿以漕  
攝郡趣成之

案樓璠解題誤作徐璠劉昉字方明廣東潮陽  
人紹興中知漳州兼荆湖南路安撫使與幹辦  
公事王厯羲道鄉貢進士王湜子是同編既刻  
三十八卷而昉卒樓璠以轉運判官攝郡事續  
纂厯代求子方論冠於首 四庫醫家類未收

此明萬厯重刊凡分四十門曰求端撰本曰方  
書彙例曰病源形色曰形初保育曰初生有病  
曰稟受諸病曰蒸忤魘啼曰驚潮狂因曰驚風  
急慢曰驚癇際病曰痢論候法曰胎風中風曰  
傷寒變動曰咳嗽諸病曰寒熱瘧瘴曰斑疹麻  
豆曰諸熱痰涎曰熱蒸汗胆曰寒痛逆羸曰癢  
癰積聚曰五疳辨治曰無辜疳劇曰諸疳異証  
曰諸疳餘証曰吐噎霍亂曰泄瀉羸腫曰滯痢  
赤白曰諸血淋痔曰三虫癩疔曰水飲鬼疰曰  
眼目耳鼻曰口唇喉齒曰一切丹毒癰疽瘰癧

曰瘡癩疥癬曰頭瘡凍瘃曰鰓刺蟲毒曰論藥  
敘方每門又各分子目原序云四十卷解題并  
五十卷者誤也

